

**Muhyiddin Dan Isteri Hadiri Majlis Perkahwinan Anak Seorang Penduduk Pagoh
Bernama
20 April, 2013**

PAGOH, 20 April (Bernama) -- Timbalan Perdana Menteri Tan Sri Muhyiddin Yassin hari ini menghadiri majlis perkahwinan anak seorang penduduk di Pekan Pagoh, di sini.

Muhyiddin dan isteri Puan Sri Norainee Abdul Rahman hadir ke majlis tersebut bagi memenuhi jemputan keluarga Mohd Ariffin Hashim bagi memeriahkan majlis perkahwinan anak lelakinya, Mohd Khairul Anwar, 27 dan pasangannya Marnuraina Hassan, 25.

Timbalan Perdana Menteri mengunjungi majlis itu sejurus selesai majlis penamaan calon bagi kerusi Parlimen Pagoh yang berlangsung di Kompleks Sukan Pagoh, di sini.

Muhyiddin bersama isteri meluangkan masa kira-kira 20 minit untuk menikmati jamuan dan beramah mesra dengan para tetamu yang hadir.

Turut serta ke majlis perkahwinan itu, dua calon Barisan Nasional yang bertanding bagi kerusi Dewan Undangan Negeri (DUN) Bukit Serampang, Ismail Mohamed dan DUN Jorak Datuk Dr Sharuddin Md Salleh.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=943718>